

船山遺書

第十二函
八冊

明詩評選卷四

衡陽王夫之而農

五言古

感懷

劉基

驅車出門去四顧不見人
迴風捲落葉颯颯帶沙塵
平原曠千里莽莽盡荆榛
繁華能幾何顛顚及茲辰
所以芳桂枝不爭桃李春
雲林耿幽獨霜雪空相親

如轉如不轉如結如不結
一爲平衍一爲光耀韋蘇州
不逮此多矣況陳正字
一流輩

柔桑生中國婀娜當陽春
下滋靈泉液上承膏露津
美人望蠶月傾匡競明晨
榮盛方及時采捋一何頻
枯根不盈拱何以禦霜辰
復聞芻蕘子磨礪待爲薪
冥觀成感激躑躅含酸辛

一收正遠 一色故不遠而遠

東園多桃杼擢幹何交加
春秋互遞代衰榮競相夸
械械去故物英英發新花花

謝葉復作空令人嘆嗟

廣大深微 亦豪

鰕魚湧姑射月暈滄海風鱣鯢吐高浪白日寒瞳矐神僊下天闕左右翳玉虹金盤薦鱗脯翠蕤攤青童酣歌殷溟徼魚鰲相噉喙忽然乘雲去寥落寒江空

意事唯一所以推之可遠引之可近 似詠小說白幽求事乃使古人廣大

白日寒瞳矐崢嶸蕭瑟

結髮事遠遊逍遙觀四方天地一何闊山川杳茫茫衆鳥各自飛喬木空蒼涼登高見萬里懷古使心傷佇立望浮雲安得凌風翔

光力似阮公沈勇過之是以所就不等 大景語極不易構天地一何闊四句用何等心光拾取

壺公下天闕聊以觀世紛賣藥汝南市時人俱不聞顧此非我徒飄然乘白雲方駕雙虬龍被服九霞文但見北邙阪岩堯盡高墳

排盪神速 全在點染處著意卽案卽斷

詠史

野馬不參食彊受組與羈低頭衡軛下各自東西馳秦人任法令斬艾尊君師六合始一家恩愛已乖離一旦山東客揭竿以爲旗叫呼驪山徒天下響應之素車拜軹道誰復爲嗟咨

以此知公不爲蒙古嗟咨劉呆齋非知公者尋常說秦事此獨盡理勢抑不落坑塹去

周昌勇廷爭子房善奇謀王陵抗高議平勃終安劉經權兩不廢道立智亦周煌煌東都士節義明千秋孰知讒佞巧舉足觸戈矛顧此悲世運泫然涕泗流雙起澹收令人不知涯際

燕昭志報復金臺求俊賢下齊如破竹大恥雪九泉六王死灰人安可與比肩柰何驕氣盈妄想彼神僊安期不可致卽墨火已然煌煌召公業委棄如浮煙意句俱豪夫乃使人悲動不然陳事耳左思袁宏亦但以此先人

美人皎如玉挾瑟升高堂泠泠向長風操作孤鳳凰曲度未終竟玄雲蔽穹蒼走

獸駭赴林飛鳥號且翔高山與流水日莫空淒涼
又妙在兩折不回互亦飾亦朴真黃初遺响

遊僊

天高河漢清露白秋宵永朝華炫紅芳螭蛄弔馳景繁思靡志帥內疚積心梗涉
江無方舟汲井悲短綆歲莫霜雪寒泣涕霑項領

平遠 遊僊非此步虛詞耳世人未見郭景純心迹而妄作遽欲凌厲三山

費生市井兒未嘗識神僊偶然壺中去謂是別有天幻化且不解眞誥安能傳那
將食色身妄弄刑賞權果然失符後衆鬼不見憐

權奇如此抑不可廢嘗齧著一粒米故也

娟娟姮娥女灼灼芙蓉姿一入月宮去千秋閉蛾眉涼風清玉除碧雲生桂枝鳳
歌不可聽長夜有餘悲

明潔示人深弘自處眞漢人第一乘

晨登女牀山西北望崑崙樓臺似霄漢金碧氣魂素女三千人灼若搏桑噉鸞

笙引鳳舞雲旆隨霓幡老童發清歌昌容戲紫鵷神荼獻丹桃洪崖開玉尊蜚廉
漫崔嵬建章空千門

潔甚淺人以爲奇麗且道顰眉公見箇甚底作怎麼說

癸巳正月在杭州作

徘徊西湖上愴恨有所思所思不可見涕淚下霑衣死生一瞬息逝者安可追狼
暉信君子李陵非男兒

奇矯在承授之際公中歲詩汜濫昌黎以爲奇矯似此者殊少

正月二十三日得台州黃元徽書有感

結交無疏戚艱難見平生金石苟不渝萬里如兩楹重山非云遠邈若遼與荆燕
婉豈不懷蛇虺正驕獍手持故人書心念故人情開書問故人淚下如雨傾

公佐石末幕以還心計較粗託于瑰奇以示異雜詩三十餘首未足深駭靜者
如此篇乃見公本色幾與十九首爭席矣

偶興

勞人怨長塗壯士悲老別那將望鄉心對此傷神月淒涼寒風至惆悵芳艸歇瑤琴無子期絲絃爲君絕

不煩

黃慎之自閩見訪夜坐對酌悵然有感

故人一爲別七見秋夕月今日見故人故心鬚髮新世情如鬚髮故人當識察車輪東北馳車轂終不迤

亭亭古今閒亦無與比

旅興

秋風肅萬物百蟲競號鳴蟬蛄最可憐切切悲其生踳屨步庭際素月圓且明玩之不可掇渺焉忽西傾回身掩房闔愴怳煩慮盈太息以終宵展轉難爲情

平 平之一言乃五言至極處盡唐宋作者止解出聲不解內聲淒緊唐突唯不平耳難言難言

死別不可追生別那可思悼往恨節促待來悲時遲人生百歲閒苦樂相牽攀念

生復念死何日一開顏登高望八荒目睠飛鳥還有願不克遂淚下空潺湲

全不倚一端凝神無外

雨來羣山暗雨過羣山明山明蜎鳥喜山暗蜎鳥驚歲暮陰風起白日西南傾寒蟬枝上號阜螽艸閒鳴人生非艸木能無感中情

是唐以下第一首古詩幾於無字

久雨得晚霽豁然如醉醒幽花銜餘紅遠峯出孤清獨坐無與聊蜻蛚吟空庭良辰能幾何逝者忽如傾歎歌欲自慰歌竟還傷情

無端有緒

微風振檐鐸瑤如環珮響登高看秋色俛見明月上木落天地寬雲散川原廣來者不可期逝者日已往離居豈無懷惻愴縈遠想

取意取景廣大中有其微至廣大固難乎微至也

日莫登高臺流目盼雲閒雲閒有明月窈窕芙蓉顏光輝被四表萬古一往還惜無騰化徘徊之不能攀

其韻其神其理無非十九首者總以胸中原有此理此神此韻因與脗合但從十九首索韻索神索理則必不得江醴陵韋蘇州一爲倣古詩則反卑一格以此

江上秋風急天寒鴈南歸客子睠長塗中心一何悲顧瞻望四方有懷當告誰霜露日夜零百卉厭其枝衰謝不待期榮盛安可追太息復太息愴悵涕霑衣

子卿贈別不悲于此 調古情新公之獨步

薄雲斂微雨返照涵空煙黃葵閒紅蓼爛若濯錦鮮老病苦無歡坐爲憂所纏自恨非松喬不能還少年援琴寫此曲曲盡心茫然

○ 精致無垠疎還不琢 大意總不落有字處

倦鳥冀安巢風林無靜柯路長羽翼短日莫將如何登高望四方但見山與河寧知天上雨去爲滄海波忼慨對長風坐感玄髮皤弱水不可航曾城岌嵯峨淒涼華表鶴太息成悲歌

汎濫無所遏抑顧筆閒全用止勢當於墨外求之

別離多苦懷三年當百載來者非所知往者今安在浮雲旦夕起白日蕤光彩天地亦有形豈能長不改去去東園公紫芝猶可采

一色朗然神理自密

庭前艸花發夜涼螢火流有懷不能寐超望女與牛那無一葦航繫念空悠悠淚如宵露零散漫不可收

總不可以色見聲求

青青瀟湘竹猗猗被寒水遊子如飛蓬佳人曠千里登高左右望但見黃塵起鳳凰翔不下梧桐化爲枳傷懷不可道憂念何時已

吾觀穹壤間萬變皆有窮何如順天道原始以要終清晨攬衣起絺綌生秋風誰離鳴鴈來灼灼酸棗紅悵焉念所思悲感集予衷佳期在何許瑤艸成枯蓬竚立望日月勞心極忡忡

二首又極似步兵詠懷非取肖也英雄畧同

寒鐙耿幽臺蟲鳴清夜闌起行望清天明月在雲端美人隔千里山河杳漫漫玄

雲翳崇岡白露凋芳蘭願以綠綺琴寫作行路難憂來無和聲絃斷空長歎

靜麗真東京之作

秋山青如煙秋月白如水登高俯空曠咫尺見千里悠悠孤雲行嫋嫋涼風起涼風吹客衣客心隨風飛願作滄海潮朝來莫還歸

雲行風止之妙古人未有然必不可于今人中求之

秋高潦水涸旻天亦淒清枯籟響悲音羈蟲振餘聲噎噎落日暉慘慘遊子情風林無定枝馳車鮮安旌自媿匪賢達默默嗟其生

深長亢爽亦不意人間有此

雜詩

季世罕上壽百歲爲長年軒皇不可見顏林復誰憐安期乘彩虹羨門駕紫煙朝遊蓬萊島夕宿曾城巔常恐聲風枝摧折滄海田徒令驪山客想望稱神僊

深而白曲而一

旅夜

客愁常突兀今夜鐙花生雖知無喜至愁亦暫時平解襟成獨寢畱鐙待天明喜
固不可求客心常畏愁

眞漢魏樂府語平直中心斂腸回

感春

日莫東風起滄江水微波水深不可涉路遠將奈何靡蕪葉已齊故鄉隔山河盛
年難再得芳意其蹉跎

悲而不傷雅人之悲故爾古人勝人定在此許終不如杜子美愁貧怯死雙眉
作層巒色像

春日書事

劉璉

雨收春日融衆艸豐且碧和風拂輕衣飛花撲行客晴空搖翠煙蒼莽見山色青
年豈長住感此思夙昔

靜好

古意

劉璉

昨夜起觀星北斗縣中天牛女隔河漢跬步不得前東方有一士被褐露兩肩積雪寒蓬廬中心常泰然高歌商頌篇激烈浮雲旋士心亦何求長爲知者憐起興超結束淨乃翁風流未損

古從軍行

王逢

大旗蕭蕭寒長槊列萬夫令下簸邏鳴鐵騎分四驅塵黃日黑慘相視人色無鋒交血濺野首將方援枹

原吉自近體高手古詩往往侈唐人搶攘白中然如此作在唐人中爲傑唱以其但寫正面不落褒貶也

覽古

楊維禎

晉師納天王大義白日披尹固附孽子奉籍奔蠻夷道逢秋郊婦三日爾爲期三年尹固死婦言如著龜

適然起止前不作引後不著斷誓不入經生醋瓮

洛陽輕薄子挾執走春嬉結交金谷友譚事賈午兒蔑棄慈母訓乾沒不知幾感

已賦閒居猶以拙自悲

淡很

昨日滿頭花堂上爭春妍今朝大風起花落玉津園舊地易淮陝取馘諧戎門可憐於期首不謝永州魂

刻而不饒

春日雲林齋居

倪瓚

池泉春漲深徑苔夕陰滿諷詠紫霞篇馳情華陽館晴嵐拂書幌飛花浮茗椀階下松粉黃窗閒雲氣暝石梁蘿蔦垂翳翳行蹤斷非與世相違冥棲久忘返

猶當淨于沈約

聽袁子方彈琴

蕙帳凝夕清高堂流月明芳琴發綺席列坐散煩纓迴翔別鵠意縹渺孤鸞情一寫冰霜操掩抑寄餘情

孟浩然詩十九失之徧徧則滿紙皆山人氣學孟者往往蹈此雲林是襄陽下

兒孫此篇獨有藏鋒之意

丙子歲十月八日夜泊閬門將還溪上有懷陸友仁徵君

明發辭吳會迢舟夜淹泊空宇垂繁星微雲暝前郭沈沈抱冲素悄悄傷離索歸掃松徑苔遲君踐幽約

三四取景淨大終篇不淫

擬古

周砥

迢迢遠別離相去幾萬里月照魯陽關風吹漢江水宵夢不可託路迷復中止登山亦有屐涉水亦有舟我心如縣旌搖搖獨伋休常恐瑤華落春風不能畱豈君弗識察故此長悠悠安得白鸚鵡銜書東海頭

不以氣焰取古以精心雅度得之遂幾誤人津濟

翡翠棲蘭苕鴛鴦上錦機物固各有類寸心獨何依春色來幾日海燕忽雙飛迎風不須入塵滿青樓扉

深遠中光欲燭天

對春雪

瓊葉綴玄圃玉羽翔伊川翻翼九霄下呈芳二月前低徊隔簾翠玲瓏入綺錢欲
消不自駐已斷復成連珠幃凝華潔花池舞影妍相思梁園莫曾賞洛城年

體製自矜迂回思路必不使唐人五言一相凌藉

風雨一首同季迪韻

貧富不相值衰榮固有時行哉徒自速止尼未爲遲崎嶇千萬塗辛苦豈要辭風
雨羣鷄鳴壞屋起長炊一日不解醉千古有遺悲如何屠釣人敢爲帝者師
清不激放不逞曲不煩古人不必爾正蹈古人得髓

贈葉秀才

日莫登高臺浮雲結遠陰樹木何蒙龍野雀噪繁林驅車涉關塞歧路鬱且深借
問子何之故鄉阻崎嶇曷不暫棲息蓬蒿非所任隱憫意不發威遲旣肯臨脆管
促飛觴鵬絃奮逸音仗劍從此別秋風滿懷衿寡立步非窘薄遊志不沈策馬欲
俱去我無當世心

有直而不激有曲而不煩有亮而不浮有質而不亢國初人畱意古裁起宋元之衰者如此歷下搏激張拳何爲也哉

出西澗過龍巖塗中瞻眺

馬治

山澤春明麗林岫鬱隋玲游步何從起涉澗行屢轉幽景響層曲蔓艸繇芳甸在岸心已遂經丘始回面巖崖驟誰創嵐嶺遙自薦蒼梧凝陰吹彤霞散晴電蕃藹蒙龍閒一水光練練沈沈潭洞古潛龍不復見觀頤委物育解作凝神變游目信虛無探已有常戀靈芝事曖昧採薇庶游衍行已東郊歸祈年急視膳

密情斂勢參差在陰何閒

次錢子貞蘇門感懷

郭奎

燕支木葉落盧龍秋色來空閨有思婦清夜悲且哀錦書爲君寄寶鏡誰敢開膏沐不復容綠髮棲浮埃團團皎月輝照彼單于臺馳心在萬里出戶聊徘徊

大體淨

左掖門朝復呈吳待制諸公

劉炳